



国家清史编纂委员会·档案丛刊

清代中南海档案

2

政务活动卷二

国家清史编纂委员会·档案丛刊

清代中南海档案

2

政务活动
卷二

中国第一历史档案馆 编
西苑出版社




第二册 目录

政务活动卷(二)

康熙(二十年八——二十四年十月)

康熙二十年八月	一
康熙二十一年六月	七五
七月	一四九
八月	二二八
十月	二六四

康熙二十二年五月	二六七
八月	三三
康熙二十三年五月	三八六
康熙二十四年三月	四二四
四月	四三六
十月	四七二



康熙二十年辛酉八月初一日

奉 聖 旨

上御瀛臺門聽部院各衙門官負面奏政事畢部

院官負出大學士學士隨捧折本面奏請

旨時禮部太常寺官負同進大學士明珠奏曰臣

等遵

旨會同禮部太常寺查例凡祭

壇

廟陪祭大臣身有微疾即不陪祭另行點用今祭社稷壇

聖躬微有違和似應遣大臣

上曰朕一應祭祀必親往恭祭無有或缺故屢次

降旨命爾等公議若再展期為日太久朕不得

躬詣着即遣大臣諭畢禮部太常寺官員出又

為禮部題鑲黃旗漢軍都統范達禮應否給

謚事

上曰范達禮無甚勞績俟大兵回京之日再議具
奏

本日

起居注官沈荃常書

初二日壬午早

上御瀛臺門聽部院各衙門官負面奏政事畢部

院官負出大學士學士隨捧折本面奏請

旨為和碩莊親王博果鐸患病不能趨事請罷議

政職任

上曰莊親王自授議政並未行走殊為不及可擬

平常票簽罷其議政又議政王等會議漢軍有

職無職人負願在關廂居住者聽其居住滿

洲蒙古內年老有疾休致官負願在關廂居住

住者亦聽其居住事

上顧大學士等問曰爾等所問若何明珠奏曰臣等問吏兵工三部大臣尚書介山等云滿洲蒙古患病年老罷職者准其關廂居住城內地方稍可空間又

上諭滿洲蒙古官員在關廂居住其子弟往看過宿行走恐生事端所見極是然例各向佐領

說明方往自不至有擾亂之處會議時亦曾
慮及故如此議臣等之意似為可行

上從之

本日

起居注官朱馬泰徐乾學

初三日癸未早

上御瀛臺門聽部院各衙門官負面奏政事畢部

院官負出大學士學士隨捧折本面奏請
旨為和碩莊親王博果鐸請罷議政事

上曰博果鐸授為議政以來並未著有勤勞著即
罷議政爾等擬責言票簽來看又吏部題本部
司負內陞外轉事

上曰爾等意見云何大學士明珠奏曰適臣等滿
漢公議鄭重為文選司郎中其人頗優

上曰李如蘭何如大學士李霽等奏曰李如蘭為人亦可

上曰李如蘭曾兩次差遣審事看來最為明晰又顧問學士張玉書奏曰其人實有材又問品行何如張玉書奏曰品行不能深知又問鄭重品行何如大學士李霽等奏曰鄭重為人老成

上曰鄭重着內陞誰當外轉明珠奏曰吏部司

見在之人無多止田七善有病係新補未久

上曰司官既無多貧外轉着暫停這一次又吏科
題科貧內陞外轉事

上問大學士爾等所議如何明珠奏曰漢大學士
等云李宗孔辦事年久李霽奏曰次序在前
者唯李宗孔王曰溫

上曰李宗孔授任以來無好本章並未見糾劾一人朕意欲令外轉杜立德奏曰李宗孔在任十有餘年矣

上曰朕惟觀其人品優劣果才不堪用縱在任三
四十年何益如李迥為人亦覺平常杜立德奏
曰李迥前在江南典試極能秉公

上曰朕觀張鵬所奏本章皆係實心條奏絕無私

情其人堪用明珠等奏曰

聖諭誠然

上曰張鵬着內陞李宗孔着外轉又工部奏銷修造景山內房屋用過錢糧事

上曰萬福閣壽皇殿等處修造甚屬草率所用錢糧太多着工部會同內務府將修造之處用過價銀務詳行查對確議具奏已時

上詣五龍亭請

太皇太后安未時

上御瀛臺內流杯亭賜進貢併克什克屯部落喀

爾喀部落多羅貝勒索諾穆等嵩齊特部落

二品台吉阿爾馬斯等蘓尼忒部落四品台

吉薩尼忒等烏朱穆秦三品台吉察漢等巴

林部落一品台吉魯什希布

欽定四庫全書

四品台吉多願等食

本日

起居注官胡簡敬阿哈達

初四日甲申早

上御瀛臺門聽部院各衙門官員面奏政事又遣
往將蘇尼忒部落等被荒蒙古移駐近邊八
旗蒙古地方理藩院侍郎明愛等進前請

旨

上諭曰這蒙古饑荒殊甚因此搬移當聽其徐行
前來不可促其急行恐其死於道路現今所給
牲畜必當省儉留足來年之用倘若今年食盡
來年穀食不登又致饑荒爾等前往詳視之先
所給米糧今年足用則已如不足再將給米之
處議奏此搬移蒙古到日交於八旗蒙古分駐